

Izjava OHR-a na konferenciji za medije međunarodnih organizacija

Visoki predstavnik planira održati niz sastanaka na visokom nivou u New Yorku, Washingtonu i Londonu

Visoki predstavnik, Paddy Ashdown je danas doputovao u New York u okviru prvog dijela svog jednosedmičnog putovanja tokom kojeg će održati sastanke sa najvišim zvaničnicima iz UN-a, te Vlada Sjedinjenih Američkih Država i Velike Britanije.

Tokom svoje posjete New Yorku visoki predstavnik će se sastati sa generalnim sekretarom UN-a, Kofi Annanom i podsekretarom UN-a za mirovne operacije, Jean Marie Guehennom, prije svog obraćanja na sjednici Vijeća sigurnosti UN koje će u srijedu održati zajedno na premijerom BiH, Adnanom Terzićem.

U četvrtak će visoki predstavnik boraviti u Washingtonu gdje će se sastati sa državnim sekretarom SAD-a, Colin Powellom i sekretarom za odbranu, Donald Rumsfeldom.

Prije svog povratka u Bosnu i Hercegovinu koji je planiran za početak sljedeće sedmice visoki predstavnik će se u Londonu sastati sa britanskim premijerom Tony Blairom i ministrom vanjskih poslova Velike Britanije, Jack Strawom.

Visoki predstavnik će na ovim sastancima naglasiti napredak koji je Bosna i Hercegovina ostvarila u konkretnim oblastima u kojima provodi reformu, s posebnim osvrtom na ispunjavanje uslova za prijem u Program "Partnerstvo za mir", kao i uslova Evropske komisije za započinjanje pregovora o potpisivanju Sporazuma o stabilizaciji i pridruživanju krajem ove godine. Visoki predstavnik će takođe dati svoj komentar o postojećim izazovima s kojima se Bosna i Hercegovina suočava u procesu

izgradnje svojih sigurnosnih institucija i razvijanja ekonomije u cilju otvaranja novih radnih mesta.

Visoki predstavnik će naglasiti da se tempo provođenja reformi mora ubrzati ukoliko se žele ostvariti planirani ciljevi. Visoki predstavnik će naglasiti potrebu za daljim angažmanom međunarodne zajednice u Bosni i Hercegovini i istaknuti da međunarodna zajednica ne smije izgubiti interes za BiH u vrijeme kada je Bosna i Hercegovina spremna da napravi zaokret i postigne dugoročnu ekonomsku i političku stabilnost.

Prvi zamjenik Visokog predstavnika i premijeri Kantona

Prvi zamjenik visokog predstavnika, Donald Hays će sutra ujutro u OHR-u održati sastanak sa premijerima Kantona. Na sastanku će se razgovarati o aktivnostima koje se poduzimaju u cilju uklanjanja prepreka koje su do sada zadržavale odvijanje procesa privatizacije. Premijeri će takođe razgovarati o dalnjem usklađivanju aktivnosti koje se provode u oblastima kao što su održavanje puteva i korita rijeka u kojima saradnja dva ili tri kantona može dati efikasnije rezultate i smanjiti troškove u odnosu na aktivnosti koje provodi svaki kanton pojedinačno. Nakon ovog sastanka u zgradi OHR-a će se sutra u 12. 45 sati održati press konferencija na kojoj će biti saopćeni zaključci sa ovog sastanka.